



Inatsisartuni ilaasortaq  
Ineqi Kielsen, Siumut  
/Maani

**Ivittuuni sakkutooqarfiliornissaq pillugu § 37 naapertorlugu apeqquteqaat nr. 2016-282-imut akissut**

Brev dato: 03-01-2017  
Sagsnr.2016-2441  
Akt. nr.

Asasara Ineqi Kielsen

Postboks 1614  
3900 Nuuk

22. december 2016-imi Ivittuuni sakkutooqarfiliornissaq pillugu Naalakkersuisunut apeqqut nr. 2016-282 saqqummiuppat. Apeqqutit uannut akisassanngorlugit innersuunneqarput.

Tlf. (+299) 34 50 00

Fax (+299) 34 54 10

E-mail: npann@nаноq.gl

www.naalakkersuisut.gl

- 1. Ivittuuni sakkutooqarfiliornissaq Danskít Naalakkersuisuisa nalu-naarutigisaat Nunatsinni Naalakkersuisut taparserpaat?**
- 2. Illersornissaq pillugu Danskít Naalakkersuisui Folketingimi isumaqatiginninarsimapput, tassani ilaatigut nunatsinni nunaminertaq Ivittuut aamma isumaqatigiissutigineqarsimalluni. Nunatta Naalakkersuisui tassani peqataatinneqarsimappat?**

Akissut:

Naalagaaffik aamma Socialdemokraatit, Dansk Folkeparti kiisalu Radikale Venstre 8. december 2016-imi Illersornissamut Ministereqarfiup Issittumi siunisami suliaasaannik nukittorsaanissaq pillugu isumaqatigiissusiorsimasut Naalakkersuisunit ilisimaneqarpoq. Naalagaaffimmi partiit aammalu partiit taaneqartut ataatsimoorlutik Folketingimi illersornissamut isumaqatigiissummut partiitut tunuliaqutaapput. Tamanna nutaarsiassami, 9. december 2016-imi Illersornissamut Ministereqarfiimmit nassiunneqartumi allassimavoq.

Isumaqatigiissummi taaneqartumi ilaatigut allassimavoq, Sakkutooqarfiup Kangilinnguaniinnera pilerseqqillugu suliniuteqarnermi, ingerlasussanik piareersaasarnermi aaqqissuussisarnermilu aallaaviussasoq, ilaatigut ikummatissanik inissiivittut, imaani avatangiisini akiuniarnermut atortunik il.il. inissiivittut, ilaatigullu siunertanut sungiusartarnernut ilinniartitaanernullu atorneqarsinnaasoq. Tamatuma saniatigut Kangilinnguit Issittumi oqartussaasut allat suliaasaannut atugassiissutigineqarsinnaapput.

Naalagaaffik allaaserineqareersutut Kangilinnguani Sakkutooqarfimmik pilersitseqqinnissap saniatigut Ivittuut eqqaani allanik suliaqarnissamik kissaateqarnerseqqinnissap Naalakkersuisunit ilisimaneqanngilaq.

Sakkutooqarfiup Kangilinnguani Sakkutooqarfiup atortuinik atuisinnaatitaanera aallaavigalugu, Sakkutooqarfiup Kangilinnguani pilersitseqqinnissaq pillugu

paasissutissat Naalakkersuisunit tusaatissatut tiguneqarput.

Erseqqissaatigisinnaavara, naalakkersuinikkut isumaqatigiissut taaneqartoq 9 december 2016 sioqqullugu tamanut saqqummiussinissaq sioqqullugu Naalakkersuisut ilisimatinneqarsimangimmata, kiisalu Naalakkersuisut isumaqatigiissut taaneqartut pillugu ataatsimiinnernut isumaqatiginninniarnernulluunniit peqataasarsimangimmata.

Tamatuma peqatigisaanik erseqqissaatigissavara, Sakkutooqarfik Kangilinnguani pilersitseqqinnissamik pilersaaruteqaraluarpataluunniit, Naalakkersuisut Kangilinnguani avatangiisinik saleeqqissaartoqarnissaa aalajangiusimagaat 2016-imi decembarimi tusagassiorfinnut nalunaarutikka aqqutigalugit erseqqissaatigisareerakku.

Sakkutooqarfiup Kangilinnguani pilersitseqqinnissaa pillugu paasissutissanik amerlanerusunik pitsaanerusunillu saqqummiussivigineqarnissamik, kiisalu Illersornissamut Ministereqarfiup tamatumunnga atatillugu sumiiffimmi avatangiisinik naammaginantumik saliinissamut pilersaarutitik takutitsinissaanut kissaamik saqqummiussannik Illersornissamut Ministereqarfiup naammassinninnissaa Naalakkersuisut qilanaaraat.

Inussiarnersumik inuulluaqqusillunga

Suka K. Frederiksen